

Enhavo

BALDAU KUNVENOS LA ESTRARO DE TEJO

De la 8a ghis la 10a de junio kunvenos la estraro de TEJO por sia jam lasta estrarkunsido antaŭ la elektoj. Kiel kutime, ĝi havas plenplenan agendon, malgraŭ ke tre multo traktighas ankaŭ per retpoŝto kaj (foje) telefono. Gravaj punktoj en la tagordo estas la venonta IJK en Francio, la postvenonta IJK, la financa stato, rilatoj kun diversaj Esperanto-instancoj kaj ontologia strategio. Strategiaj diskutoj estos grava parto de la kunsido, kiu celas ankaŭ prepari la transiron al venonta estraro.

Ankaŭ ĉi foje cheestos krom estraranoj kaj observanto de UEA kelkaj gastoj, kiuj kundiskutos kaj konatighos kun la laboro de la estraro. Temas pri Mayrim Sandoval (Venezuelo, strategio kaj sud-amerika agado), Federico Breda (Italio, eksteraj rilatoj kaj seminarioj) kaj Alain Fagot (Nederlando/Francio, IJK kaj oficej-komputila modernigo).

Se estas punktoj kiujn laŭ vi la estraro devus trakti, aŭ se vi ŝatus plie envolvighi en ĝia laboro, bonvolu kontakti:

Vlad'ka Chvatalova <vchvatalova@hotmail.com>

Sjoerd Bosga <sjoerd@esperanto.se>.

Retpagho de TEJO: <<http://www.esperanto.org/tejo/>>

MOVADO DE LINGVAJ FESTIVALOJ PROGRESAS

Kadre de la 5-a Danuba Esperantlingva Scienca kaj Kultura Forumo, Beograd, 7-10 junio 2001), kiun organizas Esperanto-Instituto de Serbia Esperanto-Ligo, okazos Danuba lingvofestivaletto, kiun proponis kaj organize preparos SerbEJO (Serba Esperanta Junulara Organizo). La ideo pri tiu porjunulara programo estis bone akceptita.

Plia informo:

Sonja Petrovic: <sonjulino@whoever.com>

ARANGHO EN FORA SIBERIO

Unu el grandaj internaciaj ruslandaj E-arangxoj, Orienta Somera Esperantista Junulara Tendaro, kiu pasintjare gastigis partoprenantojn de la internacia karavano al IJK (Gonkongo), invitas ĉiujn partopreni ĝin ĉi-jare.

Datoj: 01 - 10 de aŭgusto, 2001

Loko: Tjumenj.

Plia informo: Lena Katajeva: <lenjo@rambler.ru>

<<http://OrSEJT.boom.ru>>

JUNULARAJ ARANGHOJ EN DU KONTINENTOJ

- Kadre de la junulara programo de la 5-a Tut-Amerika Kongreso de Esperanto (TAKE), kiun partoprenis krom plej aktivaj junaj esperantistoj de Ameriko ankaŭ ĝenerala sekretario de TEJO Vlad'ka Chvatalova, estis pridiskutita ebleco okazigi IJK-on en Brazilio.

Retpagho de la kongreso: <<http://Take2001.8k.com/index.htm>>

- La 24-27an de majo en Vraca (Bulgario) pasis la 7-a Balkana Junulara Konferenco (BAJK). Plian informon pri ĝiaj rezultoj serĉu en la sekva numero de TEJO-aktuale.

<[http://bulgjunularo@dir.bg](mailto:bulgjunularo@dir.bg)>

